



Borgarráð

Viðburðasamningur Reykjavíkurborgar og Íþróttabandalags Reykjavíkur

Lagt er til að borgarráð samþykki hjálögð drög að samstarfssamningi milli Reykjavíkurborgar og Íþróttabandalags Reykjavíkur um viðburði og stuðning borgarinnar við þau verkefni sem eru á vegum ÍBR en síðasti samningur rann út um sl. áramót.

Dagur B. Eggertsson
borgarstjóri

Hjálagt:

Samstarfssamningur um styrk til viðburðarhalds á vegum ÍBR í Reykjavík, drög.



Borgaráð

Viðburðarsamningur

Samstarfssamningur milli Reykjavíkurborgar og Íþróttabandalags Reykjavíkur um viðburði og stuðning borgarinnar við þau verkefni sem eru á vegum ÍBR rann út um sl. áramót.

Hjálagt fylgja drög að nýjum samningi. Lagt er til að borgarráð samþykki samninginn.

Virðingarfyllst,

Ómar Einarsson,
sviðsstjóri.

Samstarfssamningur um styrk til viðburðarhalds á vegum ÍBR í Reykjavík

Þessi samningur er gerður á milli Reykjavíkurborgar kt. 530269-7609 og Íþróttabandalags Reykjavíkur, kt. 670169-1709 (hér eftir nefnt „ÍBR“).

1. gr. Markmið

Markmið þessa samnings er að styðja við viðburðahald ÍBR. Með samningnum er stutt við samfellu, framþróun og rekstrarlegan grundvöll helstu íþróttaviðburða í Reykjavík, sem þegar hafa sannað ótvírætt gildi sitt hvað varðar þýðingu fyrir bæði íþróttastarfið, menningarlífið í borginni, alþjóðleg tengsl, jákvæð áhrif á ferðamennsku og ímynd Reykjavíkur auk efnahagslegs umfangs.

2. gr. Viðburðir

ÍBR mun halda íþróttaviðburðina Reykjavíkumaraþon, Reykjavíkurlleika, Norðurljósahlaup og Miðnæturlaup árlega 2022, 2023 og 2024.

ÍBR mun veita borginni ráðgjöf er varðar annað viðburðahald, vinna náð með borginni að þróun nýrra viðburða, og mögulega taka að sér framkvæmd viðburða.

3. gr. Kynningarmál

Á öllu kynningarefni ÍBR vegna framangreindra viðburða, jafnt innanlands sem utan, skal koma fram á áberandi hátt að viðburðirnir séu styrktir af Reykjavíkurborg. Reykjavíkurborgar skal þannig getið sem bakhjarls í öllu kynningar- og markaðsefni, þ. á m. á vefsvæði, í auglýsingum, veggspjöldum, bæklingum, markaðspósti, boðskortum og í allri sérstakri útgáfu með því að hafa auðkennismerki Reykjavíkurborgar sýnilegt.

ÍBR skal hafa samstarf við menningar- og ferðamálasvið Reykjavíkurborgar til að kynna og markaðssetja viðburði sem ætla má að höfði til erlendra ferðamanna. Frekara samstarf um móttöku erlendra fjölmiðla verður samkvæmt nánara samkomulagi á milli ÍBR, ÍTR og menningar- og ferðamálasviði á hverjum tíma.

4. gr. Framlag Reykjavíkurborgar

Á samningstímanum leggur Reykjavíkurborg ÍBR til í beinum fjárframlögum kr. 15.400.000.- ár hvert.

Framlag borgarinnar greiðist inn á bankareikning ÍBR viðburða 0513-26-5544, kt. 590493-2369 og greiðist í tveimur greiðslum samkvæmt samkomulagi

Reykjavíkurborg leggur einnig til lokanir og hreinsun gatna vegna Reykjavíkumaraþons, Norðurljósahlaups, Reykjavíkurlleika og Miðnæturlaups.

Reykjavíkurborg heimilar að línur sem þátttakendur fylgja á leið sinni verði málaðar. ÍBR annast framkvæmd, málun og þrif með umhverfissvænum efnum. Til að auka öryggi þátttakenda mun Reykjavíkurborg sjá til þess að sem flestum götum verði lokað auk þess sem að borgin mun lagfæra götur og stíga þar sem þörf er á.

Reykjavíkurborg leggur til húsnæði fyrir viðburði, sbr. aðstöðu vegna afhendingu gagna, hátíðardagskrár Reykjavíkurlleika og alls þess er viðkemur íþróttaviðburðahaldi. Það á einnig við um leigu sem ekki fellur undir æfinga- og keppnisstyrki ÍTR/ÍBR í Íþrótt- og sýningarhöllinni og öðrum mannvirkjum borgarinnar.

Auk þess býður ÍTR öllum þátttakendum í viðburðum ÍBR einn frían aðgang í sund á viðburðardegi samkvæmt samningi þessum.

Framlög Reykjavíkurborgar vegna áráanna 2022-2024 eru með fyrirvara um samþykkt fjárhagsáætlunar hverju sinni. Verði gerð umtalsverð breyting á fjárveitingu til samningsins á fjárhagsáætlun taka aðilar upp viðræður um aðlögun viðburða að breyttri fjárveitingu.

5. gr. Samskipti

Íþrótt- og tómsundasvið Reykjavíkurborgar er tengiliður samningsins auk samstarfs sem ÍBR skal hafa við menningar- og ferðamálsvið Reykjavíkurborgar um kynningarmál. Samráðsfundir aðila samningsins skulu haldnir í febrúar árlega á samningstímanum, þar sem farið verður yfir fyrirhugaða framkvæmd samningsins og tillögu ÍBR að áherslum gagnvart íþróttaviðburðahaldi. ÍBR skal skila skýrslu um framkvæmd og fjárhagsuppgjör viðburðanna til skrifstofu Íþrótt-, og tómsundasviðs eigi síðar en 15. nóvember ár hvert. Boðað verður til annars samráðsfundar reynist tilefni til. ÍBR skuldbindur sig jafnframt til að leggja árlega fram endurskoðað uppgjör eða áritaðan ársreikning vegna viðburða undanliðins árs á árlegum fundum. Sviðstjóri Íþrótt-, og tómsundasviðs boðar til fundanna.

6. gr. Vanefndir og meðferð ágreinings

Telji ÍBR hættu á að það geti ekki uppfyllt samningsbundnar skyldur sínar skal Íþrótt- og tómsundasviði Reykjavíkurborgar tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð er heimilt að fella niður greiðslur þar til ÍBR hefur sýnt fram á að það muni standa við samningsbundnar skyldur sínar samkvæmt ákvæðum samningsins, en að öðrum kosti rifta samningnum.

Ef sýnt þykir að framlag Reykjavíkurborgar hafi verið notað í öðru skyni en samkvæmt samningi þessum áskilja aðilar sér rétt til að krefjast endurgreiðslu framlagsins að öllu eða að einhverju leyti eða rifta samningnum.

7. gr. Ábyrgð

ÍBR ber ábyrgð á íþróttaviðburðunum, fagmennsku þeirra, öryggi og gæðum. ÍBR stýrir allri framkvæmd og vali á dagskrá og sækir um öll leyfi til skemmtanahalds og annarra uppákoma sem snerta viðburðina til þar bærra yfirvalda og stofnana og greiðir viðhlítandi gjöld. ÍBR ber ábyrgð á skuldbindingum sem bandalagið eða aðilar á þeirra vegum stofna til í tengslum við þennan samning. ÍBR er óheimilt að framselja greiðslur skv. samningi þessum til þriðja aðila og setja hann með öðrum hætti til tryggingar fjárskuldbindingu.

8. gr.

Samningurinn gildir frá 1. janúar 2022 til 31. desember 2024. Samningurinn er gerður í tveimur samhljóða eintökum og heldur hvor aðili sínu eintaki.

Samningsaðilum er heimilt að óska eftir endurskoðun samningsins vegna breyttra aðstæðna.

9. gr.

Rísi mál út af samningi þessum skal það rekið fyrir Héraðsdómi Reykjavíkur.

Reykjavík,júní 2022

F.h. Reykjavíkurborgar

F.h. Íþróttabandalags Reykjavíkur